


ဧလိရုဗက်ရဲ့ ဗိုက်ဟာ ခြော့-က်လဟို ရော့-က်လာဟူ ခီမာ
ဘုရားသခင်ဟု ကောန်းဂန်တမန် ဂါဗြေလဟို ဂါလိလဲပြည်
နာဇရက် နာမယ်ရှိဟူ ဗြို့ဟို လွတ်လိုက်ဟယ်။ ဒါဝိဒ်မန်းဂီးရဲ့
သားမွေးဖြစ်ဘီး ယောသပ် နာမယ်ရှိဟူ လူတယော့-က်န
လတ်ထပ်ဟို စေ့စပ်ဟားဟူ မီးမပျိုတွပ် သူမာ ဒန်းစကား
ရှိဟယ်။ အယ်မီးမပျိုရဲ့ နာမယ်ဟာ မာရီ
ဖြစ်ဟယ်။




ကောန်းဂန်တမန်ဟု “မာရိ၊ ကြော့-က်န။ နန်ဟုာ
ဘုရားသခင်ရှေ့မာ မျစ်နာသာရဟုားဘီ။
နန်ဟုာ ဝန်းရှင်မဖြစ်လာဘီး သားဟို
မွီးရလေ့မယ်။ အယ်သားဟို ယေရှု
ဆိုဘီး နာမယ်ပေးရလေ့မယ်။
သူဟုာ ကီးမြတ်ဟု သူဖြစ်ဘီး
ဖြစ်ဆောင်းဟု ဘုရားသခင်ရဲ့ သား
ဆိုဘီး ခေါ်ဇာဟို ခံရလေ့မယ်။
သူဘိုးဘေ ဒါဝိဒ်ရဲ့ ရာဇပလ္လင်ဟို

ထာဝရသခင် ဘုရားသခင်ဟု သူဟို
ပေးအပ်လေ့မယ်။”



“သူဟာလည်း ယာကုပ်ရဲ့ မျိုးနွယ်ဟို မြဲဒမ်း
အောက်ချောက်လေ့မယ်။ သူ့နိုင်ငံတော်ဟာ
လောင်းဝ ဆောင်းမေ့ဟာ!” ဆိုဘီး
အယ်မီးမဟို ပြောလေဟယ်။



မာရိဟု ကောန်းဂန်တမန်ဟို “ကျွန်မဟာ
မီးမပျို ဖြစ်ဟုယ်။ အယ်မျိုးဆိုဟာ
ဖယ်မျိုးလောက်ဘီး သားမွီးနိုင်ဟို နှူး။”
ဆိုဘီး မေးလေဟုယ်။



ကောန်းဂန်တမန်ဟာ
“သန်ရှင်းဟူဝိညာဉ်တော်ဟာ နန့်ထတ်မာ
သတ်ရော့-က်ဘီး ဖြစ်ဆောင်းဖြစ်ဟူ
ဘုရားသခင်ရဲ့ တဂိုးတော်ဟာလည်း
နန့်ထတ်မာ လွမ်းမိုးနေလေ့မယ်။
အယ်ကြောန်းကြောန့်
သန်ရှင်းဟူ သားတော်ဟာ
ဘုရားသခင်ရဲ့
သားဆိုဘီး ခေါ်ဇာဟို
ခံရလေ့မယ်။”



အယ်မျိုးဖြစ်ဘီး ကြာခန်မာဘဲ မာရီဟာ သင့်ပြင်ဘီးန
တောန်ထတ်ဒေသမာရီဟာ ယုဒပြည် မြို့တမြို့ဟို
ပြန်းပြန်သွားလိုက်ဟယ်။

ဇာခရိရဲ့ အီဟို ဝမ်ဘီး
ဧလိရုဗက်ဟို
နှောက်ဆစ်လေဟယ်။

မာရီရဲ့
နှောက်ဆစ်စကားဟို
ဧလိရုဗက်ကြားဟာ ခမာ
ဗိုက်ထဲဟာ သားဂန်ဟားဟာ

ထခဲ့လေဟယ်။



ဧလိရုဗက်ဟာ သန့်ရှင်းဟူဝိညာဉ်တော်နဲ့
ပွဲနေဘီး သံက္ကယ်ဂီးန “နန်ဟာ မီးမလေ
ဂုလောင်းထတ် မင်္ဂလာရိုဆောင်း
ဖြစ်ဘီး နန်မီးမယ့်
သားဟာလည်း
မင်္ဂလာရိုဆောင်း
ဖြစ်ဟယ်!”



ယေရှုခရစ်တော် မွီးဖွားလာဟု
ကြောန်းရာဟု အယ်မျိုးဖြစ်ဟုယ်။
မိခင်မာရီဟုာ ယောသပ်န
မင်္ဂလာဆောန်ဟိုတွပ်
စေ့စပ်ဘီး တူးဒုနေခန်မာ

သန်ရှင်းဟူဝိညာဉ်တော်အား
ဖြင့် ဗိုက်ပိုက်နေလေဟုယ်။



သူလန် ယောသပ်ဟာ
ဖြောင့်မတ်ဟူသူ
ဖြစ်ဟူကြောင့် မာရီဟို
လူဘောင်လယ်မာ
ယုစ်ရဘဲနေအောင်
တိတိဟူး
ကွာရှင်းမယ် ဆိုဘီး
ကြံစည်ဟူးလေဟူယ်။



အယ်မျိုး ကြံစည်နေခါမှာ အိမ်ထဲမှာ ယောသပ်ဟို
ဘုရားသခင်ရဲ့ ကောင်းဂန်တမန်ဟု “ဒါဝိဒ်အမျိုး ယောသပ်၊
နန်မယား မာရီရဲ့ ဗိုက်တွပ် စိုးရိမ်န။ အယ်ဗိုက်ဟာ
ဘုရားသခင်ရဲ့ သန်ရှင်းဟူဝိညာဉ်တော်ရဲ့
တဂိုးအားဖြင့် ရလာဟူဗိုက်ဖြစ်လေဟုယ်။
သူဟာ သားယော့-က်ကျားဟို
မွီးလေ့မယ်။”



“အယ်မုသားဟာ သူ့ရဲ့လူလေဟို ပြစ်ဟုနော့ဘီး
ကယ်တန်ပေးမယ့်သူ ဖြစ်ဟုယ်။
အယ်ကြောန့် ယေရှု ဆိုဘီး နာမယ်ပေးရမယ်”
ဆိုဘီး ပြောလေဟုယ်။



ယောသပ်ဟုာ အိယာဟု နိုးလာဘီးန ဘုရားသခင်ရဲ့
ကောန်းဂန်တမန်ပြောဟုားတိုင်း မာရိဟို သူ့မီးမဖြစ် လတ်ထတ်
ပေါန်းသင်းလိုက်လေဟုယ်။ အယ်ကြောန့်
အယ်သားဟို မွီးဖွားခီရော့-က်ခန်ထိ
တူးဒုအိဘဲန နေလေဟုယ်။ အယ်သားဟိုလည်း
ယေရု ဆိုဘီး နာမယ်ပေးလေဟုယ်။



အယ်ဒီမာ ကဲသာမန်းဂီး သြဂုတ္တုဟာ ရောမအင်ပါယာ
တခုလောင်းဟို သန်းဂေါန်စာရင်း ကော့-က်စေဟို
မိန်ပေးလိုက်ဟယ်။ အယ်ဘီးန

လူတိုင်းဟာ
ကိုယ်တိုင်



သန်းဂေါန်စာရင်း

ဝမ်ဟို သူးနီရဲ ဇာတိဗြိဟို သွားဂေ့ဟယ်။



ယောသပ်ဟုာ ဂါလိလဲပြည် နာဇရက်မြို့ဟုာနေ ဒါဝိဒ်မန်းရဲ့
ရှစ်မွှောက်နေရာဖြစ်ဟူ ယုဒပြည် ဗက်လင်မြို့ဟို သွားဟုာယ်။

ယောသပ်ဟုာ ဒါဝိဒ်ရဲ့
မွေးမွှစ်ဖြစ်ကြောန့်
အယ်နေရာဟို



သွား ရဟုာယ်။



သူဟာ လတ်ထပ်ဟို စေ့စပ်ဟူးဟူ မာရိနတူးဒ
သန်းဂေါန်စာရင်းဝမ်ဟို သွားဟူ ခီမာ မာရိဟူ ဝန်းရှင်မ
ဖြစ်နေဘီး၊ . . .



... သူးနိုဟာ ဗက်လင်မြို့မှာ
ရှိနေဒူးမှာ သားမွီးခိ
ရော့-က်လာဟာယ်။



သူဟာ သားဦးဟို မီးဘီး ဝတ်န ပတ်ဘီးဟာ တည်းခိုဟူ နေရာမာ
သူးနိတွပ် ခန်းမေ့ဘဲကြောန့်
သားဂန်းဟူးဟို နွားစားခွပ်ထဲမာ
အိခိုင်းဟူးဟုယ်။



အယ်ရပ်ဟု သိုးထီးမားတချို့ဟာ တညဉ့်လောင်း
ကွမ်းပွန်မာနေဘီး၊ သူးနိုရဲ့ သိုးလေဟို

ကျော့ဟုယ်။ သခင်ဘုရားရဲ့
ကောန်းဂန်တမန်ဟာ
သူးနိုနားမာ
ပေါ်လာဘီး



ဘုရားသခင်ရဲ့
ဖောင်းသရေတော်ဟာ
သူးနိုထတ်မာ
လန်းထီလာဟုယ်။



သူးနို့ဟာ ရရာတိုင်း ကြော့-က်လန်ဟားဟယ်။ အယ်ဘေမဲ့
ကောန်းဂန်တမန်ဟာ သူးနို့ဟို ပြောလိုက်ဇာဟာ။

“ကြော့-က်ဂေ့နု! ငါဟာ

လူမျိုးအားလောင်းတွပ်

ရရာတိုင်း

ဝန်းသာဇာ

ဒန်းကောန်းဟို

သယ်ဆောန်လာဟယ်။”



“အယ်နေမာ ဒါဝိဒ်ဖြူနိုက် သခင်ခရစ်တော် ဆိုဘီး
နန်းနိုရဲ ကယ်တန်ရှင်ဟို မွီးလေဘီ! နန်းနိုဟာ
ဖယ်မျိုးသတ်သေန သိရဟို

ဆိုဟာ
သားဂန်းဟားဟို
ဝတ်စန ပတ်ဘီး

နွားစားခွပ်ထဲမာ
အိခိုင်းဟားဇာဟို
တို့လေ့မယ်။”



ရောက်တရစ် ကောန်းဂန်ဘောင်ရဲ့
ကောန်းဂန်တမန်နတူးဒု ကောန်းဂန်ပိုလ်ခေ
ဘောင်ဂီးဟာ



ရှစ်ရှင်းထန်ရှားဘီး
ဘုရားသခင်ဟို . . .



... “ဖြင့်ဆောင်းကောင်းနန်းဂန်မာ ဘုရားသခင်ဟာ
ဖောင်းသရေတော်ရှိဘီး၊ မွေဂီးမာ
ကိုယ်တော်မြတ်နိုးဟူ လူလေဟာ



ငြိသတ်မှုရှိပါစေ!”
ဆိုဘီး ချီးမွမ်းချင်းဟို
ဆိုဂေဟာယ်။



ကောန်းဂန်တမန်လေဟာ သူးနိုနားဟုနေ ကောန်းဂန်ဘောင်ဟို
ပွန်ဟားခီမာ သိုးထီးမားလေဟာ ယော့-က်နယော့-က်
“ဗက်လင်မြို့ဟို သွားဘီး ဘုရားသခင်ဟာ နိုလေဟို ပြောပြဟာ
ကြောင်းရာလေဟို ကေ့ကေ့ရအောန်” ဆိုဘီး ပြောလေဟယ်။



အယ်ကြောန် သူးနိုဟာ ဖြန်းဖြန်ဟူးသွားဘီးန
မာရိန ယောသပ်ဟိုရော၊ နွားစားခွပ်ထဲမာ
အိနေဟူ သားဂန်းဟူးဟိုရော တိုရဟုယ်။



သိုးထီးမားလေဟာ သားဂန်းဟားဟို တို့ဟူ ခီမာ
သူးနို့ဟို ကောန်းဂန်တမန်ဟု သားဂန်းဟားကြောင်းဟို
ဖယ်မျိုးပြောဟားဟယ် ဆိုဇာဟို သူးနို့ဟို
ပြောပြဟယ်။



ယုဒပြည်ဗက်လင်မြို့
ဟေရုဒ်မန်းဂီး
လတ်ထတ်မာ ယေရှုဟို
မိုးဖွားတော်မူဟုယ်။

မာဂုပညာရှိလေဟာ ရှေ့တိုင်းပြည်ဟုနေ
ယေရှုလင်မြို့ဟို ရော့-က်လာဘီးဟာ၊
“ခိုမိုးဖွားလာဟု ယုဒမန်းဂီးဟာ
ဖယ်မာရှိနူး။”





“ရှေ့တိုင်းပြည်ဟုနော်၊ သူ့ရဲ့ကြယ်ဟို
နို့လေ ဖြင်ရဂေဟူကြောန့်
ရိုခိုးပဇော်ဟိုတွပ် ရော-က်လာဂေဟူယ်”
ဆိုဘီး မေးဂေလေဟူယ်။



အယ်ဘီးနု ဟေရုဒ်မန်းဂီးဟုာ
မာဂုပညာရှိလေဟို
တိတိဟုားခေါ်ဘီးဟုာ
ကြယ်ပေါ်ထွပ်ဟူ ခီကာလဟို
သေးသေချားချာဟုား
သိဟုားလေဟုယ်။



“နန်းနို့လေသွားဘီးဟာ
အယ်သားဂန်းဟို
သေးသေချားချာရှာဂေ။
တို့ဟယ် ဆိုဟာ ငါလည်း
ရှိခိုးပူဇော်ရှင် ကြောန်ပွန်လာဘီး
ပြောဂေပါ” ဆိုဘီး ဗက်လင်မြို့ဟို
လွတ်လိုက်လေဟယ်။



မာဂုပညာရှိလေလည်း မန်းဂီးရဲ့ စကားဟို နားထောင့်ဘီးဟာ
ထွပ်လာဂေဘီးန ရှေ့ပြည်မာ ဖြင်ဟူးဟူကြယ်ဟာ


သူးနို့ရှေ့မာသွားဘီးဟာ
သားဂန်းဟူးရှိဟူ နေရာထတ်ဟို
ရော့-က်ဟူးခိမာ ရွေ့ဘဲန
ရပ်ဘီးနေလေဟူယ်။



သူးနိုဟာ အီထဲဟို ဝမ်ဟားဇာ မိခင်မာရိနတူးဒ သားဂန်းဟားဟို
ဖြင်ဟားခီမာ ပျပ်ဝပ်ကိုးကွယ်လေဟယ်။ သူးနိုဟာ
ယူဆောန်လာဟာ ဘဏ္ဍာသစ်တာလေဟို
ဖွမ်ဘီး လောဗန်၊ မုရန်န ရွှေလေဟို
ပူဇော်ဂေလေဟယ်။



အယ်ဘီးန ဟေရုဒ်မန်းဂီးနားဟို ပွန်ဂေ့န ဆိုဘီး ဘုရားသခင်ဟာ
အိမတ်အားဖြင့် ဒိပေးဟူကြောန့် သူးနိုပြည်ဟို တခြား
လမ်းဟုနေဘီး ပွန်ဟား ဂေ့လေဟုယ်။



မာဂုပညာရှိလေ ပွန်ဘီးန
ဘုရားသခင်ရဲ့
ကောင်းဂန်တမန်တပါးဟို့
အိမတ်ထဲမာ ဖြင်တို့ရဘီး
ကောင်းဂန်တမန်ဟု
ယောသပ်ဟို့ “နန်ထဝေါ။”



“မိခင်န သားဂန်းဟူးဟို ခေါ်ဘီးဟာ
အဲဂုတ္တုပြည်ဟို ထွပ်ပွေးဘီး
နော့-က်ထပ် ငါပြောခန်ခီထိ
အယ်မူပြည်မာဘဲ နေနေဂေ့။
ဟေရုဒ်မန်းဂီးဟာ
သားဂန်းဟူးဟို
တ်ဟို ရှာလေ့မယ်”



ဆိုဘီး ပြောလေဟုယ်။



အယ်ဘီးန ယောသပ်ဟာ
အိယာဟုထဘီး မိခင်န
သားဂန်းဟားဟို ညဉ့်ရှင်းခေါ်ဘီး၊
အဲဂုတ္တုပြည်ဟို ထွပ်ဟားဘီး၊
ဟေရုဒ်မန်းဂီး သေဟားခီထိ
အယ်မူပြည်မာဘဲ
နေနေလေဟုယ်။





အယ်ကြောန်းရာဟာ
“ငါ့သားဟို အဲဂုတ္တုပြည်ဟုနေ
ငါခေါ်ထုလာဘိ” ဆိုဘီးဟာ
ပရောဖက်လေအားဖြင့်
ပြောဟူးဟူ ဘုရားသခင်ရဲ့
ဗျာဒိတ်တော် ပွဲဇောင်ဟိုတွပ်
ဖြစ်လာလေဟုယ်။





အယ်ခီမာ ဟေရုဒ်မန်းဂီးဟာ
မာဂုပညာရှိလေဟိုသူမာလိုက်ဟူတို
င်း ပွန်လာဘီးပြောဘဲန လှည့်ဇားဘီး
သွားလိုက်ဇာဟို သိရဟူ ခီမာ
ရရာတိုင်း ဒေါသထွပ်လေဟုယ်။



အယ်ဘီးန သူလူလေဟို
ခေါ်ဘီးဟာ မာဂုပညာရှိလေဟို
သေးသေချားချာ မေးဟားဟူတိုင်း
ကြယ်ပေါ်ထွပ်ခါဟို ခန့်မှန်းဘီးဟာ
ဗက်လင်မြို့န . . .



... ကျေးဝါလေမာရီဟူ
နေ့နှစ်အော့-က် ယော့-က်ကျား
သားဂန်းဟွားလေဟို
သတ်ဟို ခိုင်းလေဟုယ်။



ဟောရုဒ်မန်းဂီး သေဘီးနု
ယောသပ်ဟာ အဲဂုတ္တုပြည်မာ
အိမတ်ဟို ထပ်ဘီးမတ်လေဟုယ်။






ဘုရားသခင်ရဲ့
 ကောင်းဂန်တမန်ဟာ၊ “နန်ထဘီး
 မိခင်န သားဂန်းဟူးဟို
 ခေါ်ဘီးဟာ ကူသရေလပြည်ဟို
 သွားဂေ့။ သားဂန်းဟူးဟို
 သတ်ဟို ရာနေသလေ
 သေကူဘီ” ဆိုဘီးဟာ

ပြောလေဟုယ်။



အယ်တေမဲ
ဟေရုဒ်မန်းဂီး
နေရာမာ
သုသားအာခေလဟု



ယုဒပြည်မာ မန်းဂီး
ဖြစ်နေကြောင်းဟို ကြားရဟု ခီမာ သူဟုာ
အယ်နေရာဟို သွားဟို ကြော့-က်နေဟုယ်။




သူဟာ အိမ်ထဲမှာ
အယ်နေရာဟို
သွားဘဲဟိုတွပ်



ကောင်းဂန်တမန်ရဲ့
ဒီပေးဇာဟို ခံရကြောင့် သူဟာ
ဂါလိလဲပြည်ဟို သွားဘီး၊ နာဇရက်မြို့ ဆိုဘီး
နာမယ်ခေါ်ဟူ မြို့မှာ ကိုယ်တော်ဟာ မြဲဒမ်း နေထိုင်လေဟယ်။





အယ်ကြောန့် “ခရစ်တော်ဟို
နာဇရက်ပြို့သား ဆိုဘီး ခေါ်ဂေ့လေ့မယ်” ဆိုဘီးဟာ
ပရောဖက်လေ ရေးဟားတိုင်း ပွဲဇောင်လာလေဟ့ယ်။



ဘုရားသခင်ဟာ လောကသားလေဟို
ရရာတိုင်း ရှစ်ဟူကြောင့် သူ့ရဲ့ တပါးဒဲရိုဟာ
သားတော်ဟို ပေးလေဟယ်။ အယ်ကြောင့်
သားတော်ဟို ယောင်ကြည်ဟာ လူတိုင်းဟာ
ပျစ်စီးဘဲန ထာဝရသတ်ဟို
ရမယ်။



ရောမ ၃:၂၃

ဖြားဖြစ်ကြောင့်နူးဆိုဟာ လူလေ ဂူလောင်းဟာ ပြစ်ကျူးလွန်ဘီး
ဘုရားသခင်ရဲ့ မျစ်မှော့-က်တော်န ဝီးကွာဟားဂေ့ဘီး။

ရောမ ၆:၂၃

ပြစ်တရားရဲ့ ခဟာ သေရှင်းဘဲဖြစ်ဟယ်။ အယ်ဘေမဲ့ ဘုရားသခင်
အလဂါးပေးတော်မူဟူ ဆုကျေးဇူးတော်ဟာ နို့လေရဲ့ သခင် ယေရှု
ခရစ်တော်အားဖြင့် ထာဝရသတ် ဖြစ်လေဟယ်။

ဟေဗြဲ ၉:၂၇

လူဟာ တခါဘဲ သေရဘီး အယ်ဘီးန တရားစီရင်ဇာဟို ခံရဟူမျိုး၊



ဟေဗြဲ ၂:၈,၉

ဖြားဖြစ်ကြောင့်နူးဆိုဟာ နန်းနို့ဟာ ကျေးဇူးတော်ကြောင့်
ယောင်ကြည်ရှင်းအားဖြင့် ကယ်တန်ဇာဟို ခံရဂေဟယ်။
အယ်မူဇာဟာ နန်းနို့ကိုယ်တိုင်ကြောင့် မှဟာ။ ဘုရားသခင်
ပေးတော်မှဟာ လတ်ဆောန်ဖြစ်ဟယ်။ ကိုယ်လောက်ဟာ မှကြောင့်
မှဟာ။ အယ်ကြောင့် ဖယ်သူလည်း ဝါကြွားဇာကြောင့် မှဟာ။

ရောမ ၁၀:၉,၁၀

ဖယ်မျိုးနူးဆိုဟာ နန်ဟာ သခင်ယေရှုဟို နှောက်နဝန်ခံဘီး
ဘုရားသခင်ဟာ သူဟို သေရှင်းဟုနေ ထမြော့-က်စေဘီ ဆိုဘီး
စိနုလောင်းထဲဟုနေ ယောင်ကြည်ဟယ် ဆိုဟာ ကယ်တန်ရှင်းဟို
ရော့-က်လေ့မယ်။ ဖြားဖြစ်ကြောင့်နူးဆိုဟာ ဖြောင့်မတ်ရာဟို
ရော့-က်ဟိုတွပ် စိနုလောင်းန ယောင်ကြည်ဘီးဟာ ကယ်တန်ရှင်းဟို
ရော့-က်ဟိုတွပ် နှောက်နဝန်ခံရဟယ်။



ယောဟန် ၃:၁၆,၁၇

ဘုရားသခင်ဟာ လောကသားလေဟို ရရာတိုင်း ရှစ်ဟူကြောင့် သူ့ရဲ့
တပါးဒဲရိုဟာ သားတော်ဟို ပေးလေဟယ်။ အယ်ကြောင့် သားတော်ဟို
ယောင်ကြည်ဟူ လူတိုင်းဟာ ပျစ်စီးဘဲန ထာဝရသတ်ဟို ရမယ်။
ဘုရားသခင်ဟာ သူ့ရဲ့သားတော်ဟို အယ်လောကသားလေဟို
တရားစီရင်ဟိုတွပ် စေလွှတ်လိုက်ဇာ မှဟာ။ အယ်လောကဟို
ကယ်တန်ဟိုတွပ် စေလွှတ်လိုက်ဟယ်။



၁ ယောဟန် ၅:၁၁-၁၃

အယ်သတ်သေခံချစ်ဟု ဘုရားသခင်ဟု နို့လေဟို
ထာဝရသတ်ဟိုပေးဘီး အယ်သတ်ဟု သားတော်မာပါဟုယ်။

သားတော်ဟို ရဟုလုဟု သတ်ဟိုရဟုယ်။ ဘုရားသခင်ရဲ့

သားတော်ဟို ရဘဲဟုလုဟု သတ်ဟိုရဟု။ ဘုရားသခင်သားတော်ရဲ့

နာမတော်ဟို ယောင်ကြည်ဟု နန်းနို့ဟု ထာဝရသတ်ဟို

ကိုယ်တိုင်ရဟုယ် ဆိုဇာဟို သိစေဟိုတွပ် အယ်ဇာလေဟို

နန်းနို့လေဟို ငါရေးပေးလိုက်ဟုယ်။



မသံ ၁-၂ ။ လုကာ ၁-၂

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Tavoyan NT (tvn) © The Word for the World
International, 2024.

<https://www.bible.com/en-GB/bible/3791/MAT.1.NTDWB24>

©2026 Bible for Children, Inc.

www.M1914.org

www.bibleforchildren.org

